



Unang Araw ng Eskwela
Khun Vichhay
Sorn Sreyneang






Gumising si Tutu ng ika-pito ng umaga.
Ngayon ay ang unang araw ng pasukan.
Subalit siya ay huli na sa klase.



Tumatakbo ng mabilis si Tutu papunta sa banyo, nagsisipilyo at naliligo.



Nagmamadali syang nagbihis. Ngunit maiksi ang kanyang damit at mahaba ang kanyang pantalon.

"Tutu! Bilisan mo at mahuhuli ka na sa unang araw ng pagpasok!"



Ang sapatos ni Tutu ay masyadong maliit samantalang ang kanyang dilaw na bag ay masyadong mabigat! Subalit ika-pito at kalahati na ng umaga. Oras na para umalis!



Nagulat si Tutu dahil mag-isa lamang siyang naglalakad patungong paaralan. Nasaan ang kanyang mga kapitbahay na sina Teytey at Pipi? Baka naroon na sila. Siya ay totoong huli na sa klase!



Bigla may isang tuta, at nagsimula itong habulin siya. Si Tutu ay tumakbo at pawis na pawis.



Pagkatapos, bigla na lamang umulan. Nabasa si Tutu at nadulas sa daan. Nadumihan ang kanyang damit. Sa ngayon, mukhang hindi maganda ang unang araw ng klase.



Nang sa wakas ay makarating siya sa paaralan, walang ibang mga mag-aaral doon! Isang lalaki na naglalakad ay nagsabing ang paaralan ay sarado. Labis ang pagkalito si Tutu!



Maya-maya ay narinig ni Tutu ang boses ng kanyang ina.




"Sarado po ang paaralan, Inay," bulong ni Tutu habang nakapikit ang mga mata.



"Buksan mo ang mga mata mo! Nanaginip ka,
" sabi ng kanyang ina.



Bumangon na at tumungo sa paliguan si Tutu. Naligo at nagsipilyo siya ng maayos.



Pagkatapos maligo ay nagbihis na si Tutu.
Kasya ang kanyang damit.
Kasya ang kanyang pantalon
Kasya ang kanyang sapatos
At ang kanyang sisidlan ay sapat lang ang
bigat.



Iniabot na ng kanyang Ina ang kanyang baon at sinabing, "Oras na ng pagalis, magkita tayo mamayang hapon."



Tumingin sa bintana si Tutu at nakita niyang maraming mag-aaral ang naglalakad patungong paaralan. 'Ito na nga talaga ang unang araw ng pasukan!' sigaw niya. Paglabas ng bahay, nakita ni Tutu ang kanyang mga kaibigang sina Teytey at Pipi. Sama-sama silang naglakad patungong paaralan.



Sa daan, nakakita siya ng isang tuta, ngunit hindi sya nito hinabol. Masayang naglalakad si Tutu sa ilalim ng malinaw, maaraw na langit.





Nang dumating sa paaralan, ang kanilang guro ay naghihintay na.

"Magandang umaga po!" bati ni Tutu at ng kanyang mga kamag-aral.



Nang dumating ang oras ng pahinga sa klase, nagtungo sila Tutu at mga kaibigan sa hardin at naglaro. Isang napakasayang unang araw ng pasukan!







Handog sa inyo ng SMART

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.


To read more books like this and get further information,
visit: letsreadasia.org

Original Story

Unang Araw ng Eskwela (*First Day of School*). Author: Khun Vichhay. Illustrator: Sorn Sreyneang.

Published by The Asia Foundation - Let's Read, © The Asia Foundation - Let's Read. Released under CC-BY-NC-4.0.

This work is a modified version of the original story. © The Asia Foundation, 2023. Some rights reserved. Released under CC-BY-NC-4.0.



For full terms of use and attribution,
<http://creativecommons.org/licenses/by-nc/4.0/>

Contributing translators: Kristin Louise Lucero, Anna Acbang, Zimson August Ilagan, and shanepurple